



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
praxim accommodatas

Archdekin, Richard

Antverpiæ, 1682

[Quæstio 12.] Libri Hæreticorum, quomodo prohibiti.

urn:nbn:de:hbz:466:1-40873

348 Pars 3. tract. 6. Resolutiones practica ad Ec-
clesia permittit Catholicis cum tali hæretico
communicationem propter bonum commune,
& ne alias ex tali collatione, si esset invalida,
plurima dubia, & turbationes orirentur, in
Catholicorum potius quàm hæreticorum detri-
mentum. Debet tamen peti approbatio legi-
timi Ordinarii, hæc enim requiritur, etsi pa-
tronus conferens Beneficium esset Catholicus.

Sed quæres porro. Utrùm licitum sit Catho-
lico dare pretium patrono hæretico, qui alias
beneficium alteri hæretico collaturus est.

Respondeo affirmativè. Si pretium illud non
detur titulo emptionis beneficii Ecclesiastici, il-
la enim esset Simonia, sed tantùm ex intentione
sic redimendi sive impediendi vexationem Ec-
clesiæ, quam injustè patitur per hoc quod be-
neficium hæretico aut alteri indigno conferatur,
etsi per hoc indirectè procuret ut beneficium ad
se deveniat. Ita etiam resolvit. *Verjuys tr. 4. ar. 12.*
citans Sotum, Pontium, Castrop. Vericelli &c.

Libri Hæreticorum.

QUÆSTIO XII. *Quomodo prohibiti.*

AN, & quomodò hæreticorum Libri Catho-
licis prohibeantur?

Resp. Graviter prohiberi, tam in Bulla Cœ-
næ, quàm in Indice librorum prohibito-
rum edito à Pio IV. qui habetur in fine Triden-
tini.

Vi Bullæ Cœnæ incurrunt excommunicatio-
nem Pontifici reservatam, quicumque libros
hæreticorum hæresim continentes, vel de re-
ligione tractantes, sine autoritate Sedis Apo-
stolicæ,

stolicae, scienter legunt, retinent, imprimunt, aut quomodocumque defendunt. Sic enim sonant verba Bullae, quae quatuor actiones expressè prohibet, lectionem, retentionem, impressionem, & defensionem.

Nomine, libri haeretici, in ordine ad hanc censuram, non comprehenditur brevis epistola, aut concio haeretici, ut docet hic *Lugo disp. 21. num. 33.* prohibentur tamen illa per Bullam Pii IV.

Neque illa censuram continetur liber authoris Catholici, quamvis haereses aliquas contineat. Neque liber Catholicus, cui haeticus notas apposuit, modò notae illae sint libro minores, sic ut totum opus moraliter dici possit liber authoris Catholici potius quam haeretici: ita *Suar. & Lugo supra n. 47.* Tales tamen libri prohibentur per Bullam Indicis Pii IV. quamvis non sub pena excommunicationis Pontifici reservatae.

Peccat *retentione*, qui etiam apud alium librum haeticum deponit, vel qui ab alio depositum apud se servat: tenetur autem talem librum in Episcopi manus consignare.

Peccant *defensione*, qui dogmata talis libri positivè laudant, aut librum ipsum divulgant, aut impediunt ne ab aliis ad Episcopum deferatur.

Excusat *legentem* à morali, & consequenter à censura, parvitas materiae. Talis est juxta *Casropalaum* lectio decem linearum, juxta *Sanchez* lectio unius paginae ex libro in folio majori, *Lugo* ad mediam circiter paginam restringit.

Si quis autem sciens, & volens audiat alium, librum haeticum sibi praegentem, peccat quidem ordinariè graviter ob periculum perversionis, & aliquando ob scandalum aliorum,

nom

330 Pars 3. tract 6. Resolutiones practica ad Cr.
non tamen incurrit censuram, ac proinde potest talis à quovis Confessario absolvi. Ratio autem horum est, quod Bulla utatur terminis tantum prohibentibus *lectionem libri hæretici*, adeoque ubi non est *lectio*, & *liber*, & *author* proprie *hæreticus*, censura per Bullam lata non incurritur. Verba enim legis, quæ pœnam important, in proprio, & rigido sensu sunt interpretanda.

Idem dicendum est, quando Confessarius aut Parochus deprehendit aliquem retinuisse quidem, aut legisse malâ conscientiam librum hæreticum, ignorasse tamen excommunicationem illi rei annexam fuisse, talem enim poterit Confessarius quilibet absolvere, & monere de censura, & de libro quam primum in manus Episcopi tradendo. Si autem sint libri hæreticorum, qui tantum tractant v. g. historiam, aut medicinam, sed aliquas tamen hæreses hinc inde admixtas habent, curandum est ut hæreses oblitterentur, vel legendi facultas ab Ordinario obtineatur.

QUÆSTIO XIII. *Particularia de libris hæreticis, & prohibitis.*

§. 1.

Quæritur ulterius primò. An qui se sentit in fide firmum, & à periculo lapsus securum, qualis est aliquis Prælati aut Episcopi, teneatur ille à libri hæretici lectione abstinere?

Respondeo affirmativè, si legendi facultatem non obtinuit, ita Card. Lugo *de fide disp. 21. sect. 2. §. 2.* Quia etsi quis in præsentia
statu